



NAMANGAN VILOYATI MINGBULOQ TUMANI HOKIMINING QARORI

2025-yil 30-yanvar

42-6-81-Q/25

Mingbuloq tumani hokimligi

O‘zbekiston Respublikasi Vazirlar Mahkamasining “Oliy talim tizimida dual ta’limni tashkil etish chora-tadbirlari to‘g‘risida” 2025-yil 16-yanvardagi 14-sonli, hamda viloyat hokimining 2025-yil 28-yanvardagi 34-6-0-Q/25-sonli qarorlarini tumanda ijrosini ta’minlash haqida

O‘zbekiston Respublikasi Vazirlar Mahkamasining “Oliy talim tizimida dual ta’limni tashkil etish chora-tadbirlari to‘g‘risida” 2025-yil 16-yanvardagi 14-sonli, hamda viloyat hokimining 2025-yil 28-yanvardagi 34-6-0-Q/25-sonli qarorlarini tumanda ijrosini ta’minlash maqsadida, O‘zbekiston Respublikasi “Mahalliy davlat hokimiyati to‘g‘risida”gi Qonunining 6- va 21¹-moddalariga muvofiq,

QAROR QILAMAN:

1. O‘zbekiston Respublikasi Vazirlar Mahkamasining “Oliy ta’lim tizimida dual ta’limni tashkil etish chora-tadbirlari to‘g‘risida” 2025-yil 16-yanvardagi 14-sonli, hamda viloyat hokimining 2025-yil 28-yanvardagi 34-6-0-Q/25-sonli qarorlarini tumanda rahbarlik va amalda ijrosini ta’minlash uchun qabul qilinsin.

2. Vazirlar Mahkamasining mazkur qarori bilan:

Oliy ta’lim, fan va innovatsiyalar vazirligi, Savdo-sanoat palatasi hamda Kambag‘allikni qisqartirish va bandlik vazirligining 2025/2026-o‘quv yilidan boshlab oliy ta’lim tizimida bosqichma-bosqich dual ta’lim asosida o‘qitishni yo‘lga qo‘yish, shu jumladan, “Kasb egasi” dual ta’lim tizimini tashkil etish to‘g‘risidagi taklifiga rozilik berilganligi;

quyidagilarni nazarda tutuvchi Oliy ta’lim tizimida dual ta’limni tashkil etish tartibi to‘g‘risidagi nizom ilovaga muvofiq tasdiqlanganligi;

dual ta’lim shakli joriy etiladigan oliy ta’lim tashkilotlarini tizimida oliy ta’lim tashkilotlari bo‘lgan vazirlik va idoralar bilan kelishgan holda, Oliy ta’lim, fan va innovatsiyalar vazirligi hamda O‘zbekiston Respublikasi Savdo-sanoat palatasi tomonidan belgilanishi;

dual ta’limning nazariy va amaliy qismi muddatlarini hamkor korxonalar va tashkilotlar bilan kelishilgan holda, oliy ta’lim tashkiloti tomonidan belgilanishi;

ta’lim jarayonining nazariy qismidagi talabalar ishtirokini oliy ta’lim tashkilotida tegishli professor-o‘qituvchi, ishlab chiqarish bilan bog‘liq amaliy qismidagi ishtirokini esa korxonadan birlashtirilgan amaliyot rahbari (ustoz) tomonidan muvofiqlashtirib borishi;

oliy ta'limda "Kasb egasi" dual ta'lim tizimini tashkil etish tartibini belgilanishi; belgilanishicha;

"Kasb egasi" dual ta'lim tizimi Savdo-sanoat palatasining onlayn platformasi asosida Oliy ta'lim, fan va innovatsiyalar vazirligi hamda Kambag'allikni qisqartirish va bandlik vazirligining axborot tizimiga integratsiya qilingan holda tashkil etilishi;

2025/2026-o'quv yilidan boshlab "Kasb egasi" dual ta'lim tizimi birinchi bosqichda Toshkent to'qimachilik va yengil sanoat institutining 3- va 4-kurs talabalari uchun joriy qilinishi;

korxonada bo'lib o'tadigan amaliy mashg'ulotlar dasturi oliy ta'lim tashkiloti tomonidan korxonalar va Savdo-sanoat palatasi bilan kelishilgan holda tasdiqlanishi;

"Kasb egasi" dual ta'lim tizimida ta'lim jarayonini bevosita korxonalarda amalga oshirgan talabalar uchun (yo'llanma asosida) korxonalar tomonidan hisoblanadigan ish haqining 2 million so'mgacha bo'lgan qismi Bandlikka ko'maklashish davlat jamg'armasi mablag'lari hisobidan har oy uchun qoplab berilishi;

bunda ish haqini Bandlikka ko'maklashish davlat jamg'armasi hisobidan qoplash uchun ajratiladigan mablag'lar tegishli korxonaning alohida hisobvarag'iga o'tkazilishi;

Davlat oliy ta'lim tashkilotlarining dual ta'lim shakli bo'yicha qabul parametrlariga takliflar belgilangan tartibga muvofiq tasdiqlanishi;

Savdo-sanoat palatasi:

a) Oliy ta'lim, fan va innovatsiyalar vazirligi, tizimida oliy ta'lim tashkilotlari bo'lgan vazirliklar va idoralar bilan birgalikda oliy ta'lim tashkilotlari tomonidan korxonalarda har yili kamida bir marta dual ta'lim dasturlari bo'yicha talabalar ishtirokida targ'ibot uchrashuvlari o'tkazilishini ta'minlashi;

b) Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari bilan birgalikda:

har yili 1-iyunga qadar dual ta'lim shaklida talabalarni qabul qiladigan korxonalar imkoniyatlarini o'rganish va dual ta'lim tashkil qilinadigan korxonalar ro'yxatini e'lon qilishi;

har yili 1-sentabrga qadar dual ta'lim shaklida o'qishga qabul qilingan talabalarni dual ta'lim tashkil qilinadigan korxonalariga biriktirish bo'yicha korxonalar, talaba va oliy ta'lim tashkiloti o'rtasida shartnoma imzolashini tashkil etishi;

dual ta'lim tashkil qilingan korxonalarda talabalar uchun yaratilgan shart-sharoitlarning doimiy monitoringini yuritishi tumanda ma'lumot uchun qabul qilinsin.

3. Mingbuloq tuman 1-son politexnikumi (A.Ohunov), Mingbuloq tuman 2-son politexnikumi (Z.Ergasheva), Mingbuloq agrotexnologiyalar texnikumi (I.Parpiyev), Mingbuloq yengil sanoat texnikumi (A.Mashrapov) hamda Mingbuloq tuman Savdo-sanoat palatasi bo'limi (S.Egamberdiyev):

har yili 1-fevralga qadar dual ta'lim tashkil etiladigan korxonalar, ta'lim yo'nalishlari va oliy ta'lim tashkilotlari bo'yicha Oliy ta'lim, fan va innovatsiyalar vazirligi hamda Savdo-sanoat palatasiga takliflar kiritsin;

hududdagi oliy ta'lim tashkilotlariga dual ta'lim tizimini tashkil etishda tashkilotlar bilan hamkorlikni yo'lga qo'yishga ko'maklashsin.

4. Mingbuloq tuman 1-son politexnikumi (A.Ohunov), Mingbuloq tuman 2-son politexnikumi (Z.Ergasheva), Mingbuloq agrotexnologiyalar texnikumi (I.Parpiyev),

Mingbuloq yengil sanoat texnikumi (A.Mashrapov) hamda Mingbuloq tuman Savdo-sanoat palatasi bo'limi (S.Egamberdiyev) hamda Kambag'allikni qisqartirish va bandlik bo'limi (Z.Ahmadjonov)lar bilan birgalikda dual ta'lim jarayonlarini tashkil etish yuzasidan hududdagi yirik ish beruvchilar, klasterlar va oliy ta'lim tashkilotlari o'rtasida hamkorlikni yo'lga qo'yishga ko'maklashsin;

dual ta'lim tashkil etiladigan oliy ta'lim tashkilotida o'quv-metodik hujjatlar, shuningdek, o'quv jarayoni jadvali tasdiqlanishini ta'minlasin;

talabalarni belgilangan muddatlarda oliy ta'lim tashkilotidagi o'quv jarayonida ishtirok etishini va korxonalarda amaliy mashg'ulotlar bilan birga faoliyat yuritish choralari ko'rsin;

oliy ta'lim tashkilotlarida dual ta'lim jarayoni tashkil etilishi ustidan tizimli nazorat o'rnatsin.

5. Mazkur qarorning bajarilishini nazorat qilish tuman hokimining yoshlar siyosati, ijtimoiy rivojlantirish va ma'naviy-ma'rifiy ishlari bo'yicha o'rinbosari J.Raximov zimmasiga yuklansin.

Tuman hokimi



A.Mansurov